

*Written by Florel W. Acfianwen*

## **Lesson 1. Playwriting: Going Beyond the “Insult”**

### **I. Playwriting Originated from Dramatic Poetry**

#### **Writing Exercise**

Teacher:

Nung una nangako ka  
Nangako ka na may gagawin kana  
Nangako ka kaya’t pinasa kita  
Mataas na marka aking isinulat na

Student:

Aking guro, oo tama ka  
Tama ka sa iyong mga sinasabi  
Na nangako ako at ngayon ay nagsisisi  
Nangako ako kasi alam kong sa akin ay nagtitiwala ka

Teacher:

Ngunit mga pangako mo’y nasaan na  
Nasaan na ang mga bagay na iyong sinambit  
Dahil ba binigay ko na kaya’t ngayo’y wala ka na?  
Mataas na marka aking binigay ngunit pait ang iyong ipinalit?

Student:

Naiintindihan kita aming guro  
Alam ko ang ginawa nami’y hindi mo gusto  
Ngunit hindi mo rin alam kung ano ang dahilan  
Mapait na realidad ng buhay sa amin ay humahadlang

### **II. The Scene is the Basic Unit of the Play**

#### **Writing Exercise**

Bumukas ang ilaw ng tanghalan at nakita ang isang guro na patapos na sa pagsusulat ng ipapa assignment sa kanyang mga kanina pang maiingay na mga estudyante. Tumingin sa mga nagsusulat na mga bata at ngumiti.

Teacher: Okay! That would be our lesson for this afternoon! (May naalala) Anyways, sa mga estudyante ko pala last year ng grade 9 na estudyante ko pa rin ngayong grade 10, saan na iyong isusubmit niyong requirements na ipinangako niyo noon?

Mga Estudyante: (Biglang tumahimik)

Teacher: (Napangiti na lang sa sobrang pagka-inis) Saan na yung mga estudyante kong mga iyon?

Mga Estudyante: (Nagsitayuan)

Teacher: Ano na class? Magsalita na kayo para alam ko naman ang mga nararamdaman niyo.

Estudyante 1: (Napaluha na lamang)

Teacher: O. Ikaw miss. Umiiyak ka ba?

Estudyante 1: (Dalidaling pinunasan ang sariling mga luha sabay ngumiti) Wala ito ma’am. Sige ma’am ibibigay ko na po yung requirements ko sa Monday. Totoong promise na ito ma’am!

Teacher: (Tuwang-tuwa pero may konting inis pa rin) Very Good! Sa wakas! May magbibigay na rin ng matagal na requirements na hinihintay ko! Okay! So may questions and clarifications pa ba kayo sa lesson natin ngayon?

Mga Estudyante: (Tahimik lang na hindi makatingin sa kanilang guro)

Teacher: (Naiirita sa mga itsura ng kanyang mga estudyante pero ito’y ngumiti) So kung wala na kayong...

*Tumunog ang bell ng paaralan*

Mga Estudyante: (Maingay ulit at kanya-kayang sabi ng “Good bye ma’am”)

Teacher: (Huminga ng malalim sabay ngiti) Good bye.